

Vd  
264



h. 11

B  
P



AD  
ORATIONEM SOLEMNEM

QVA  
AVSPICATISSIMUM CONNUBIUM

INTER  
SERENISSIMUM AC POTENTISSIMUM  
PRINCIPEM AC DOMINUM

DOMINUM  
CAROLUM

HIEROSOLYMAE ET VTRIVSQUE SICILIAE REGEM  
HISPANIARVM INFANTEM ETC. ETC. ETC.

ET  
SERENISSIMAM AC REGIAM PRINCIPEM AC DOMINAM

DOMINAM  
MARIAM AMALIAM

SERENISSIMI AC POTENTISSIMI PRINCIPIS  
AC DOMINI

DOMINI  
FRIDERICI AVGVSTI

REGIS POLONIARVM ET ELECTORIS SAXONIAE  
ETC. ETC. ETC.

FILIAM NATV PRIMAM

DVCEM SAXONIAE, IVLIAE, CLIVIAE, MONTIVM,  
ANGRIAE AC WESTPHALIAE ETC. ETC. ETC.

CRAS D. XXVIII. APRIL. A. R. G. cfo Io CCXXXVIII

IN TEMPLO ACADEMICO

CELEBRABIT

WOLDEMARVS S. R. IMP. LIB. BARO

A SCHMETTAV

DECENTER INVITAT

ACADEMIAE LIPSIENSIS RECTOR.

BIBLIOTHECA  
PONICKAVIANA



V 2  
264

ORATIONEM SOLEMNEM

AVSPICATISSIMVM CONIVBIVM

SPRENSISSIMVM AC POTENTISSIMVM  
PRINCIPVM AC DOMINVM

DOMINVM  
CAROLVM

HERCULEVM ET VIRGINEM SICHILAE REGINAM

SEMPTERRANVM AC REGINAM PENINSVLAE AC DOMINAM

DOMINAM  
MARIAM ANTONIAM

SPRENSISSIMVM AC POTENTISSIMVM PRINCIPVM  
AC DOMINVM

DOMINVM  
FRIDERICVM AVGVSTVM

REGIS SILESIAE ET BOHEMIAE

FRIDERICVM AVGVSTVM  
DUCIS SAKSONIAE, POLONIAE, CROATIAE, BOHEMIAE

FRIDERICVM AVGVSTVM  
WOLFGANGVM CAROLIVM LIBERIVM BARONEM

ACADEMIAE LIPSIAENSIS RECTOR





**D**ignae sunt omnino incomparabiles FRIDERICI AVGVSTI NOSTRI, Patriae Patris clementissimi, et MARIAE IOSEPHAE, Patriae Matris indulgentissimae, virtutes, vt, quo arctiori vinculo inter se sunt copulatae, quo maiorem splendorem vbique terrarum diffundunt, eo maioribus praeconiis a nobis ornentur, eo studiosius aliis ad imitandum proponantur, atque eo sollicitius omni posteritati, quae futura est, de meliori nota commendentur. Quas enim in nummis complurium antiquorum Caesarum frequentius legimus *Virtutes*, quae Principes maxime decent, IUSTITIAM, AEQVITATEM, PIETATEM, CLEMENTIAM, FIDEM, CONSTANTIAM, LIBERALITATEM, MVNIFICENTIAM, PROVIDENTIAM: a) eae sane omnes et singulae in vno nostro FRIDE-

a) Collegit has *Virtutes* ex antiquis nummis EZECHIEL SPANHEMIVS, Liber Baro, in dissertatione tertia de praestantia et vsu Numismatum Antiquorum p.148. cuius verba digna sunt, quae hic repetantur: „Haud diffiteri licet, *inquit*, ipsas Principum „artes, officia, vitae, ad salutis publicae et priuatae laudis normam, feliciter instituen- „dae praecepta, in prisca ROMANORVM nummis praeclare omnino, et luculenter „conspici. Hoc enim abunde tot praestantissimarum *Virtutum* effigies, passim in iis „traditae ostendunt; aut publicae etiam *Felicitatis*, quam iidem celebrant, comme- „moratio: quae nihil aliud, quam pictura quaedam loquens, (vt de poësi alioquin „dictum) veram optimi status, et vitae laudabiliter actae imaginem continuo ante „oculos ponit. Vnde illas ipsas regnandi artes an leges, vna cum sacris Caesarum „vultibus, in iis passim haud temere expressas intuemur; vt indiuiduam quandam „illarum cum suprema potestate societatem, iidem religiose fouendam sibi et retinen- „dam scirent. Qua in re non minus adposite illae *Virtutes*, quae maxime Principes „decent, et quibus publica salus potissimum incumbit, frequentius etiam consignan- „tur: ita vt qui IUSTITIAM etc. PROVIDENTIAM, et bellicae Virtutis argu- „menta crebro in nummis CAESARVM legit; speculum quoddam in iis Principum, „et grauisissimi muneris officia eadem opera agnoscere sese fateatur.

DERICO AVGVSTO tam amice conspirant, vt citra controuerfiam nulla EIDEM abiudicari poffit. Quae porro in nummis variarum AVGVSTARVM occurrunt foemnes Matronarum virtutes ac praecipua decora et ornamenta: FECVNDITAS, PVDICITIA, PIETAS, CONCORDIA: <sup>b)</sup> illae in vna noftra MARIA IOSEPHA ita iunctim inueniuntur, vt nulla antiquarum AVGVSTARVM facile cum ea comparari queat. Atque hic illuftrium virtutum chorus, quo FRIDERICVS AVGVSTVS et MARIA IOSEPHA ftipantur, et quem plurimae gentes in IIS admirantur, non potuit non Academiam noftram, his Principibus iamdudum deuotiffimam, excitare, ad religiofiffima vota, pro falute huius PARIS INCOMPARABILIS, facienda.

Precata eft Academia noftra ante hos fere vndeuginti annos, <sup>c)</sup> vt Numen Immortale FRIDERICVM AVGV-

b) Idem SPANHEMIVS l. c. de *Virtutibus*, in nummis AVGVSTARVM obuiis, in hanc fententiam differit: „Vbi vero AVGVSTARVM nummos confulet, foemnes Matronarum Virtutes ac praecipua decora, FECVNDITATEM etc. CONCORDIAM, earundem oculis et memoriae illorum temporum opportune quoque fubieciſſe et commendafſe veteres intelliget. Vt qui in frequentes id genus infcriptiones ac effigies incidit, obuias in nummis Auguſtarum, eadem opera videat, quid ſaecula haud alias nimis verecunda, et vulgo foedis adulationibus foedida, laudandum tamen vnice aut expetendum crediderint in fequiore ſexu, cuiuſcunque tandem fit faſtigii; immo quid prae caeteris deceat regales nurus. Id nempe, quod inter Metelli proſpera enumerat grauis Auctor Valer. Max. l. VII. c. I: *Vxorem PVDICITIA AC FECVNDITATE conſpiciam conciliauit*; aut quo Agrippinae Germanici coniugis elogium complexus eſt Annalium ſcriptor (Tacitus) Annal. l. c. 41. *inſignifecvnditate, praecleara pvdicitia*; et vbi eandem alibi Annal. II. c. 43. cum altera Tiberii nuru contendit, *coniux Germanici Agrippina fecvnditate ac fama* (pudicitiae nempe) *Liuiam vxorem Drufi praecellebat*. Vt non mirum ſit FECVNDITATIS templum in Auguſtae Poppaeae gratiam olim in vrbe erectum, Tacitus Annal. XV. c. 23. aut quod vti ARA PVDICITIAE ſubinde in nummis; ita eius ſacra et ſacerdotes occurrunt in priſcis aliquot Auctorum Lapidum monumentis. Equidem illud inſolitum forte ſaeculi noſtri moribus vides hic mecum, mi OCTAVI, inter praecipuos nempe et foemnes Auguſtarum, hoc eſt, primi inter mortales faſtigii, titulos, non formam, non ingenium, non munificentiam, dotes certe haud contemnendas; non alia fortunae aut animae bona; ſed vnam ferme PVDICITIAM, aut in coniugem liberofae PIETATEM vel FIDEM crebro adeo celebrari. Haecenus SPANHEMIVS.

c) Interprete IOANNE BURCHARDO MENCKENIO. Vide Oraciones EIVS iunctim 8. editas, cura Cel. Filii, FRIDERICI OTTONIS MENCKENII p. 24.

GVSTVM et MARIAM IOSEPHAM concordēs feruaret, et pericula quaeuis, damnorumque et morborum omne genus longissime ab IIS auerruncaret, nec vnquam castos amores EORVM extingui pateretur. Precata est eodem tempore Academia, vt FRIDERICVS AVGVSTVS et MARIA IOSEPHA felices viuerent, ac stirpi Saxonicae de perpetua Heroum successione prospicientes spes atque vota eius superarent.

Et certe DEVS haec vota nostra non modo rata habuit, sed etiam longissime superauit. In domo enim NOSTRI AVGVSTI sedem suam fixit CONCORDIA AETERNA, <sup>d)</sup> saluus et incolumis est REX cum REGINA, sacratissimus et fecundus est genialis torus, habet AVGVSTVS regnum securum, exercitus fortes, senatum fidelem, populum probum, et quaecunq; sunt Principis vota et desideria, adeo, vt NOSTRVM AVGVSTVM *Octauiano Augusto Imperatore feliciorē esse censeamus* <sup>e)</sup>.

Precata est Academia, ante hos quatuor, et quod excedit, annos, vt MARIA IOSEPHA esset ELISABETHA, Poloniae Regina, Regis CASIMIRI vxore, felicior, quae filia et soror Caesaris, Regis coniux, mater quatuor Regum, et sex filiarum, magnis Principibus nuptiarum, rarissimo exemplo, fuit <sup>f)</sup>. Atque huius etiam voti

b

iam

d) Haec inscriptio exstat in nummo Elogabali. Vilitur in eo Vesta, quae illius Principis et Coniugis Iuliae Paulae dextras iungit cum inscriptione: CONCORDIA AETERNA. Vide SPANHEMII diff. III. p. 149.

e) EVTROIPIVS in Breuiario Rom. Hist. Lib. VIII. c. 2. commemorat, ad suam vsque aetatem non aliter in Senatu Principibus acclamari, nisi FELICIOR AVGVSTO, MELIOR TRAIANO.

f) Interprete IOANNE ERHARDO KAPPIO in Oratione inaugurationi Regiae sacra, litt. G.

iam aliqua ex parte compotes facti fumus. Quot enim amoris Regii pignora veneramur, veneramur autem in praefenti feptem, tot gentium fpes et fulcra, tot faeculi no- ftri ornamenta illa futura effe, iure quodam auguramur. Princeps enim Regius, FRIDERICVS CHRISTI- ANVS, non folum cum vtroque fratre, exemplo Aui Patrifque, in imperia et regna adolefcit, fed etiam diuina illa, et incomparabili, qua praeditus eft indole, excitatus, *artes, principatus bene adminiftrandi*, quas Sereniffimus EIVS Proauus, CHRISTIANVS ERNESTVS, Marchio Brandenburgicus, fingulari oratione eaque fole- mni A. CIO IOCLIX. in Academia Argentoratensi, cum fum- ma omnium admiratione recitata, facunde expofuit <sup>g)</sup>, ad miraculum vfque tam industrie excolit, vt, EVNDEM DE- LICIAS SAXONIAE, imo GENERIS HVMANI, futurum effe animo vere praecipiamus. In primis autem REGIS NO- STRI filia natu prima, Sereniffima ac Regia Princeps, Do- mina, Domina MARIA AMALIA, Dux Saxoniae, Iuliae, Cliuiae, Montium, Angriae et Weftphaliae, huius maximae felicitatis, quam soboli regiae adprecari fumus, NOSTRVM REGEM REGINAMQVE primo facit parti- cipem, dum ipsis Calendis Ianuariis, quibus Romanos vota fua alligaffe conftat <sup>h)</sup>, fponfa Sereniffimi ac Potentiffimi Principis ac Domini, Domini CAROLI, vtriusque Si- ciliae Regis, declarata fuit.

Quod

<sup>g)</sup> Prodiit haec Oratio in fol. eodem anno Argentorati, annoque fequenti Baruthi in Ger- manicam linguam conuerfa excufa fuit. Praemiffa eft eadem Clariffimorum virorum Orationibus felectis, cura IOANNIS ERHARDI KAPPII Lipfiae A. CIO IOCCXXI. 8. publicatis.

<sup>h)</sup> Vid. HADRITANI IVNII Faftorum librum T. VIII. Thefauri Graeniani Antiquitatum Romanarum & IO. FRIDERICI SCHARFII Schediafma de noti anni votis Wit- teb. A. CIO IOCLXXXIV. 4. publicatum. §. 6. & praecipue BARNABAM BRISSONIVM de fpectaculis et feriis T. VIII. Thefauri Gronouiani Antiquitatum Graecarum p. 2427.



Quod igitur diuinum, et quem prouidentiae digitum, in electione Nostri Regis in Regem Poloniae, et in felicissimo Comitiorum Varsoviensium A. CIO IOCC XXXVI. institutorum, ante hos duos fere annos, mirati sumus<sup>i)</sup>: illius documentum denuo in hoc fortunatissimo CAROLI et MARIAE AMALIAE connubio, et deprehendere et admirari licebit. Quis quaeso, ante aliquot annos, credidisset, Filiam Nostri Regis, cuius electio in Regem Poloniae causa belli, inter Imperatorem, et inter Galliae, Hispaniae et Sardiniae Reges, gesti, et quo bello CAROLVS utramque Siciliam sibi vindicauit, in pace postea inita, EIDEM concessam, obtendebatur, a CAROLO tori sociam electum iri, eamque vtriusque Siciliae Reginam futuram esse? At FRIDERICVM AVGVSTVM et MARIAM IOSEPHAM, viua illa illustrium et regiarum virtutum exempla, non possunt non inusitata virtutum praemia manere, EORVMQUE soboli Regiae, eximiis virtutum omnium, et sollicitae educationis imaginibus, non possunt non augusta, et praecipuis praecipuorum Europae Principum domibus innexa matrimonia contingere.

Dubium fere est, vtrum CAROLVS MARIA AMALIA, an MARIA AMALIA CAROLO fit dignior. Ille Bourbonici et Parmensis sanguinis propago, PHILIPPI V. Hispaniarum Regis et ELISABETHAE, Ducis Parmensis, est filius; haec ex Saxonico et Auftriaco sanguine orta, FRIDERICI AVGVSTI, Poloniarum Regis et MARIAE IOSE-

i) in Programmate, nomine Rectoris a IOANNE ERHARDO KAPPIO A. CIO IOCC XXXVI. publicato, de eo quod diuinum est in electione AVGVSTI III. in Regem Poloniae.

SEPHAE est filia, a quibus Principibus, omni laude cumulatissimis, non nisi filii filiaeque ad auorum, auiarum et parentum gloriam adspirantes, creari possunt. CAROLVS, augustorum Parentum cura, in sede Regia sollicitè educatus, bonis litteris, quae Principem decent, a tenera aetate innutritus, et ad regni habenas, prudenter administrandas, mature praeparatus, vtramque Siciliam, quam per varios casus rerumque discrimina adiit, omni sapientia gubernat, florem litterarum in his regnis, non sine magnis largitionibus, in Vniuersitatem Neapolitanam effusis, instaurat, ipse Princeps litteratus, et sapientissimi ALPHONSI, Aragonum et Siciliae Regis<sup>k)</sup>, imitator.

MARIA AMALIA in gremio Matris, cui sapientissima educatione nihil prius, nihil est antiquius, a prima aetate educata, omnibus, quae sexum suum et Regis sponfam decent, decoribus et ornamentis adeo condecorata est, vt vna fere, inter cunctas Europae Principes, omnes et singulas, quas nonnulli in Regum vxoribus circumspicere solent virtutes, possidere videatur.

HENRICVM IV, Regem Galliarum sapientissimum, accepimus, septem praecipue in Regis vxore desiderasse, vt esset pulchra, pudica, placidis moribus, ingenio subactò, fecunda, illustribus natalibus orta, magnosque status possideret. Quanquam vero idem HENRICVS existimauit, eiusmodi vxorem nunquam forte fuisse in lucem editam, nec facile in lucem editum iri:<sup>l)</sup> omnes tamen facile largientur, NOSTRAM MARIAM AMALIAM

k) Vide Parallela Alfonso, Hanouiae ex Bibliotheca MARQ. FREHERI 4 edita p. 8.

l) PETRVS BAYLIVS in Dictionario Historico et Critico in Articulo HENRI IV. ex SVLLII Commentariis T. II. p. 112. edit. Belg. haec refert: *J'en aurois une, laquelle*

LIAM his virtutibus maximam partem esse insignem, immo nobiscum precabuntur, vt EADEM fecunditate sua vtrique regno de perpetua heroum successione sit prospectura, felicissimoque regiae sobolis partu, AVGVSTI CONIVGIS, AVGVSTORVM PARENTVM, AVIAE AVGVSTAE spes, et desideria tot gentium sit impletura.

Acclamamus igitur CAROLI et AMALIAE connubio LAETA OMINA, quibus ciues Romanos Imperatoris Neronis et Poppaeae nuptias prosequutos fuisse, canit SENECA<sup>m)</sup>, acclamamus DOMINO ac DOMINAE FELICITER, qua formula Romanos Domitiano acclamasse, ex SVETONII vita Domitiani c. XIII. apparet<sup>n)</sup>. Acclamamus HYMENAEVM, id est, ex Procli sententia, FELICEM VITAM, FIDAM SOCIETATEM et MVTVVM AMOREM CAROLO et MARIAE AMALIAE optamus ac precamur<sup>o)</sup>. Non dubitamus, quin ipse CAROLVS, pro coniugii sui cum MARIA AMALIA felicitate, vota suscepturus sit, prisco Romanorum more, quos id fecisse, vel ex inscriptione antiqua<sup>p)</sup> patet :

C

T. AV-

*auroit entr' autres bonnes parties, sept conditions principales, A sçavoir: Beauté en la personne, Pudicité en la vie, Complaisance en l'humeur, Habilité en l'esprit, Fécondité en generation, Eminence en extraction, et Grands Etats en possession. Mais je croy (mon amy) que cette femme est morte, voir peut-estre n'est pas encor née ny presta à naitre.*

m) In Octauia Actu IV. Scena I. Vide FRANCISCI BERNARDINI FERRARII Lib. VI. de veterum acclamationibus c. XII. Tomo VI. Thesauri Graeuiani p. 178.

n) Vide FRANCISCVM BERNARDINVM lib. cit. p. 179.

o) Vid. EVNDEM lib. cit. c. 14. vbi Procli sententiam ex eius Chrestomathia repetit, suoque calculo confirmat.

p) Extat in IANI GRVTERI Corpore inscriptionum p. LXX. vbi obseruatur, REINERSIVM per processus coniugium intellexisse, quos alii per successus prosperos explicant.

T. AVRELIVS. AVG. LIB  
 DIOSCVRVS. VOTVM  
 AESCVLAPIO. SANC  
 TO. OB. PROCESSVS  
 SVOS. CVM. VALERIA  
 NICE. CONIVGE. ET  
 AVRELIS. DIOSCVRIS  
 VITTORINAE FILIS  
 D. D

Hanc pietatem etiam ciues Romani in nuptiis Caesarum et Augustarum declararunt, et saepius VOTA PVBLICA, pro felici earum successu, fecerunt. Extat in Gaza Gallorum Regia singularis quidam mole ac pretio nummus, in quo hinc mutuo se respicientia *Commodi* et *Crispinae* capita intueri licet cum inscriptione: IMP. COMMODVS AVG. GERM. CRISPINA AVG. in altera autem parte Mulierem velatam seu Vestalem inter Commodum et Crispinam, iungentes dextras, at sine inscriptione, quam tamen opportunè ex alio simili nummo, ab illustri BIRAGIO<sup>q)</sup> indicato, et inscripto: VOTA PVBLICA, nempe ob matrimonium Commodi cum Crispina, illustris Baro, EZECHIEL SPANHEMIVS<sup>r)</sup>, suppleuit. Obseruat idem SPANHEMIVS eundem typum et inscriptionem eam in rem in Faustinae Matris et M. Aurelii nummis occurrere, nisi quod stolata tantum sit intermedia mulier, non velata, atque ita non Vestalem in iis sed Concordiam notare. Prouocat etiam SPANHEMIVS citato loco ad DIONYSII PETAVII, doctissimi Ignatiani sodalis, annotationes ad Iuliani Misopogonem, in quibus ex Ambrosio et Augustino probasset, NVPTIALIA seu NVPTIARVM VOTA, pro felici nuptiarum successu, apud Romanos suscipi consueuisse<sup>s)</sup>, partim ad

AL-

q) Num. Imper. p. 259.

r) In dissertat. vndecima de praesentia et usu Numism. antiquorum p. 292.

s) p. 106. edit. Lipsiensis, vbi tamen arbitror, votorum nuncupationem pro felici nuptia-

ALBERTVM RVBENIVM, qui idem ad dictum Faustinae senioris nummum ex eodem Petauio demonstrasset <sup>t</sup>).

Haec VOTA PVBLICA, pro felici successu nuptiarum CAROLI, cum MARIA AMALIA celebrandarum, suscipit quoque nunc tota fere Europa, suscipit Hispania, suscipit vtraque Sicilia, suscipit Saxonia, suscipit Academia Lipsiensis, Serenissimis SPONSIS deuota. Suscipit etiam haec VOTA NVPTIALIA PVBLICA, priuata tamen, eaque demississima pietate, ductus, Perillustris Iuuenis, WOLDEMARS, Sacri Rom. Imperii Liber Baro a SCHMETTAV, Viri Illustrissimi atque Excellentissimi, Domini WOLDEMARI, Sac. Rom. Imperii Baronis a LOEWENDAHL, supremi aulae Regiae Dresdensis Mareschalli, ex filia nepos, pietatis auitae, vtrique FRIDERICO AVGVSTO perpetuo probatae, ex asse heres, ciuium Academiae nostrae ornamentum. Hic auitas laudes et merita, in Domum Regiam et Electoralem prorsus insignia, non melius se aemulari posse vere arbitratus est, quam si Oratione solempni, eaque disertissima, Nuptias CAROLI, cum MARIA AMALIA celebrandas, publice HISEM gratularetur, et religiosissima, pro felici earum successu, nuncuparet vota. Dicitus est huic festiuitati dies crastinus, vicesimus octauus Aprilis, qui, vt post Musicos concentus, quibus hodie

Aca-

rum successu melius probari ex nummis et adlata inscriptione, quam ex duobus Ambrosii locis, in quibus per vota conuiuia nuptialia, ipsaeque adeo nuptiae intelliguntur. Nec locus Augustini rem probandam satis probat.

t) Not. ad Num. Duc. Arch. Tab. XLIII. 6.

Academiae nostrae ciues REGEM, REGINAM,  
REGIAM SPONSAM, a quibus, tanquam auspiciatiffimis fideribus, nunc illustramur, deuotissime venerabuntur, post artificiosos ignes, in signum laetitiae publicae, qua ob sacros EORVM vultus, nobis inhiantibus illatos, exultamus, a tota vrbe Lipsiensi accendendos, feliciter et fortunate illuceat, ex animo precamur. Venite igitur *Illustriissimi Comites, et Vtriusque Reipublicae Proceres,* craftina luce, post horam VIII in facellum Templi Nicolaitani, deducite nos in templum Academicum, audite Oratorem facundum, votorum publicorum interpretem, nuncupate nobiscum vota, pro salute FRIDERICI AVGVSTI, MARIAE IOSEPHAE, CAROLI et MARIAE AMALIAE, acclamate Sponsis FELICITER, acclamate EIS Hymenaeum, id est, FELICEM VITAM, FIDAM SOCIETATEM, MVTVVMque AMOREM, et persuasi estote, DEVM haec religiosissima vota, pro salute horum NVMINVM, a quibus tot populorum spes vnice pendent, facienda, certissime esse exauditurum. P. P. Lipsiae Dominica  
Iubilate A. R. G. MDCCXXXVIII.

---

LIPSIAE,  
LITTERIS BREITKOPFIANIS.



Pon Vcl 264, FK







*h. 10, 21a*

V 2  
264

AD  
ORATIONEM SOLEMNEM  
QVA  
AVSPICATISSIMVM CONNVBIVM  
INTER  
SERENISSIMVM AC POTENTISSIMVM  
PRINCIPEM AC DOMINVM  
DOMINVM  
CAROLVM

HIEROSOLYMAE ET VTRIVSQUE SICILIAE REGEM  
HISPANIARVM INFANTEM ETC. ETC. ETC.

ET  
SERENISSIMAM AC REGIAM PRINCIPEM AC DOMINAM

DOMINAM  
MARIAM AMALIAM

SERENISSIMI AC POTENTISSIMI PRINCIPIS  
AC DOMINI

DOMINI  
FRIDERICI AVGVSTI

REGIS POLONIARVM ET ELECTORIS SAXONIAE  
ETC. ETC. ETC.

FILIAM NATV PRIMAM  
DVCEM SAXONIAE, IVLIAE, CLIVIAE, MONTIVM,  
ANGRIAE AC WESTPHALIAE ETC. ETC. ETC.

CRAS D. XXVIII. APRIL. A. R. G. c<sup>o</sup> b<sup>o</sup> CCXXXVIII

IN TEMPLO ACADEMICO

CELEBRABIT

WOLDEMARVS S. R. IMP. LIB. BARO  
A SCHMETTAV

DECENTER INVITAT

ACADEMIAE LIPSIENSIS RECTOR.

